

nis memoriam celebrat (1). » Hos  
subinde versiculos ponit:

Transit ad æthera  
Virgo puerpera,  
Virgula Jesse  
Non sine corpore,  
Sed sine tempore  
Cœpit adesse.

Hoc pariter ævo thesin de Virginis Assumptione scholastica methodo pro-pugnandam aggreditur Nicolaus Liranus qui ex judæo christianus et regulæ Minorum professor evasit: « Utrum Virgo Maria assumpta in anima et corpore. Arguitur quod non. Resurrectionis tempus omnium differtur ad finem mundi, ut simul sit omnium resurreccio, divina ordinatione patet Job 14: *Homo cum dormierit, non resurget, donec attetur cælum.* Ergo Maria nondum surrexit, et per consequens non est assumpta cum corpore — Respondetur — In opposito est fides universalis Ecclesiæ. Ad argumentum dicitur, quod procedit ubi non est datum privilegium, sicut datum fuit Mariæ (2). » Rationum deinde munimine singularem Deiparentis resurrectionem evincit, et concludit: fuit igitur assumpta cum anima et corpore. « Ad quæstionem respondetur, est secundum Thomam quod pie creditur de beata Virgine et Joanne Evangelista quod eorum resurreccio non est dilata usque ad finem mundi, sequitur quod beata Virgo Maria fuit assumpta cum corpore et anima quod probatur tribus

(1) Vitæ et acta SS. per an. circ., cap. xcviij.  
(2) Postillæ majores, seu Enar. in Epist. et Evang. totius an.

rationibus. Primo ex carne Christi et Virginis unitate: inquit Augustinus: putredo et vermes humanæ conditionis sunt opprobrium, a quo opprobrio cum Jesus alienus sit, maxime Maria excipitur, quoniam Jesus de ea carnem assumpsisse probatur. Secunda ratio desumitur ex corporis non inventione. Virgo Maria sepulta fuit in uno sepulcro in valle Josaphat, in quo corpus ejus non invenitur. Igitur assumptum est cum anima. Tertia ratio sumitur ex reliquiarum veneratione: reliquiæ aliorum sanctorum venerantur in terris, sed non reliquiæ corporis beatæ Mariæ, quod esset, si essent. Igitur fuit assumpta cum anima et corpore. »

7. Magnum, saeculo xv volente, pietatis nomen et doctrinæ laudem sibi comparavit S. Antoninus florentinorum archiepiscopus, e dominicana familia. Suam hac de re mentem aperuit: « De Virgine gloriosa, pie creditur ab omni ecclesia et doctoribus in corpore et anima glorificata in cælis (3). » Quam vero doctrinam sanctissimus antistesiterum iterumque (4) confirmat: quo plane colligitur quid ipse quid sacra sibi consentiens Ecclesiæ, SS. Patrum atque DD. tenuerit antiquitas.

Per id ferme temporis inclinavit S. Bernardinus senensis ex Ordine S. Francisci, Deiparentis cultor eximius. In duabus homiliis rem nostram solide conficit et adstruit septem argumentis, e quibus ita proponitur sextum. « Sexto propter æquitatem,

(3) 4 Part. Serm., tit. 15.

(4) Op. Octav., et in 1 p. Chron., tit. vi, c. iii, §§ 1-3, et Chron. tit. xiii, cc. ii, iv, et xlvi, § 5.

ut enim Ambrosius ait: Christus Dominus noster utrumque sexum sanare advenit. Proinde virum suscepit, natum tamen ex muliere. Perfecta autem curatio atque perfecta liberatio in resurrectione manifestatur. Ergo resurrectio in utroque sexu manifestari debuit in testimonium perfectæ curationis. Sicut igitur quantum ad virilem sexum manifestata est, et in Christo apparuit, ita et in foemina debuit apparere. In nulla autem foemina manifestari congruentius potuit vel debuit atque decuit quam in dulcissima matre Christi, quæ in vita libera extitit ab omni corruptione. Et hoc est quod propheta in persona Domini, ait: *Thronus ejus sicut sol in conspectu meo, et sicut luna perfecta in æternum, et testis in cælo fidelis* (1). Thronus siquidem filii mater illius est, quæ in conspectu ejus sicut sol fulgens est quantum ad gloriam animæ, et sicut luna perfecta in æternum quantum ad gloriam corporis sine defectu, proinde gloriæ resurrectionis fidelis est testis (2). — Nomen atque sententiam cum laudato Senensi Bernardinus de Bustis communicat: « In ipsa Virgine, » ait, « est omnis perfectio et beatitudo perfecta, ut de ipsa canit Ecclesia; cum igitur omnis pars est imperfecta, ut ait philosophus (3), si anima beatæ Virginis nedum habet suam perfectionem et essendi modum, cum autem angeli in essendo perfectionem habeant, minus esset perfecta beata Virgo quam angeli, quod est inconveniens (4). »

(1) Psalm. lxxxviii, 38.

(2) Serm. xii, art. iii, cap. i.

(3) V. Metaphys. et tom. iii Phys.

Tam clara res est, ut nulla prorsus indigeat explanatione.

8. Nunc gradum facimus ad sæculum xvi, in quo visa est miseranda illa dogmatum catholicorum, rerumque omnium theologicarum sus deque conversio, quæ Lutherò, Calvinò, Zwinglio cæterorumque novatorum debacchante caterva sæc. xvi facta est, atque innumera prope sectarum soboles inde prognata. Inter orthodoxos hujus ævi scriptores primum laudandus nobis est divus Thomas a Villanova, ex augustinianensi familia ad valentinam ecclesiam regendam assumptus. Rem nostram sic ipse declarat et propemodum illustrat: « Non enim decet ut putrescat in sepulcro corpus, quod non maculatum est vitio, aut redigatur in pulverem caro quæ nescivit peccati labem (5). » Et alibi: « Triplicem itaque hodie festivitatem colimus, transitum scilicet Virginis, quo migravit a vita, resurrectionem ejus, qua immortali gloria vestita est, et gloriosam ejus assumptionem, qua corpore et anima felix convolavit (6). » Consideratione digna res est, quod dum Valentia Thomas a Villanova parthenicas celebrabat laudes, eodem ferme tempore Mediolani div. Carolus Borromæus adæquatum B. V. Mariæ triumphum triplici festivitate uno eodemque ore proclamaverit.

Huc referendus pariter est eruditus et elegans Melchior Canus episcopus canariensis, qui tridentinæ Synodi facundus orator interfuit, quique novum in inclytam Gusmani sobolem

(4) Serm. de Assumpt., pag. 6.

(5) Serm. ii de Assumpt.

(6) Serm. iv.

opere suo *de locis theologicis* decus ingessit. In eamdem iste sententiam concessit: « Beatam Virginem, » ait, « non esse in cælum cum corpore assumptam, licet fidei minime adversum sit, sed quia communi Ecclesiæ consensioni repugnet, petulanti temeritate diceretur (1). » — Cui plane concinit Ambrosius Catharinus, sodalis insignis dominicanus, qui corpoream Virginis Assumptionem usque adeo tuitus est, ut, veritatis lineam aliquantulum transgressus, oppositam sententiam censuerit hæreticam (2).

Nec prætereundus est Petrus Canisius Soc. Jesu, cui nuperissimo Sanctissimi Patris Pii IX decreto cælestium honores constituti sunt. Hic veterum PP. auctoritates, in quibus tamen genuinæ ab apocryphis apprime secernendæ sunt, prouti sub præcedentis capitilis initio commonere non omisimus, longa serie pro Virginis Assumptione collegit. Hisce porro verbis Ecclesiæ mentem aperit: « Ecclesia pie persuasa inter alia multa et mirifica privilegia Deiparæ concessa, hoc quoque non minimum esse dicit, quod illa post mortem in carne resuscitata et beata immortalitate vestita, corporis quoque felicitatem percepit, ut jam una cum anima simul cælesti regno triumphet (3). » Et ibidem rursus: « Secus qui sentiunt et loquuntur, licet in errorem sacris litteris adversantem non impingunt, tamen non sapiunt ad sobrietatem, optimis et clarissimis Patribus contradicunt, a communi bonorum cre-

(1) *De Loc. Theolog.*, lib. xii, tom. 10.

(2) Lib. 4 contra *De Vio Thomam Cajetanum*; et in op. de *Concept.* (3) Lib. v de *Deip. Virg.*

dulitate atque confessione, quæ jam vim legis obtinet, non sine periculo sese subducunt; neque solum eximio dignissimæ Virginis honori derogant, sed etiam vere divinum illud miraculum quod in corporali matris Domini resurrectione et assumptione refulget, ac mirifice angelos ac pios recreat, majorem in modum enervant, extenuantque. » Et ita porro.

Qui medium vero locum obtinet inter sæc. 16 et sæc. 17, est utique S. Franciscus Salesius, vere dulciloquus doctor, qui ann. 1622 ab hac luce ad inextinguibilem lucem migravit. Nostram ipse veritatem ita fuse prosequitur: « Ut primum sanctissima illa anima purissimum suum reliquit corpus, hoc fuit ad sepulcrum terramque delatum, non secus ac illud Filii sui; quum plane congrueret, Matrem suo Filio majorem non habere prærogativam. Ast, quemadmodum Ipse resurrexit a mortuis tercia die; sic Illa resurrexit tribus post suam mortem diebus: hoc tamen discrimine, ut noster Dominus propria sua potentia et auctoritate, et nostra Domina sui sacri Filii omnipotenti virtute resurrexerit, qui animam benedictam suæ sanctæ Matris ad ejus corpus redire præcepit; quum nullatenus rationabile sit, subjacere corruptioni sanctissimum corpus illud, ex quo suam carnem suscepit noster Dominus, et in quo novem mensibus requievit. Et si arca fœderis in qua tabulæ legis servabantur, non erat obnoxia corruptioni, utpote lignis imputribilibus compacta; quam magis erat conveniens, arcam hanc novam in qua requieverat Dominus et Auctor

legis, cuius illa vetus typum gerebat, quavis corruptione carere! Probe David sanctissimæ Deiparentis Assumptionem evincit in illis suorum psalmorum verbis: *Surge, Domine, in requiem tuam, tu et arca sanctificationis tuæ.* Ps. 131. Hæc priora verba citra omnem errandi formidinem intelliguntur de resurrectione N. D., qui prouti Deus ex sese propria virtute resurrexit; at illa quæ sequuntur: *Tu et arca sanctificationis tuæ, debent intelligi de sue sanctissimæ Matris resurrectione, quæ illa est Dei viventis arca in qua novem mensibus requievit, etc.* (1). » Hucusque novus ille doctor, mirifico cælestive dulcore perfusus.

9. Inchoante sæculo 17º præfulsit P. F. Justinus Miechoviensis, polonus, ex Ordine Prædicatorum. Ipse totus est, ut singularem hanc almæ Dei parenti prærogativam adjudicet: « *Stella polaris,* » inquit, « immobilitatem habet in situ, cum cæteræ stellæ moveantur. B. Virgo Maria consummatam habet gloriam, proinde quietem in corpore et anima: cum cæteri sancti corporum suorum resurrectionem expectantes, nondum plene quieti sint (2). » Et alibi passim, gravioribus undequaque rationum momentis collectis, eamdem ille veritatem docet (3), qui in cit. op. ob singulare Virginis influxum doctorem vocari posse testatur.

Hæc eadem veritas magna cæterorum theologorum phalange munitur, qui eo se se totos converterunt, ut

(1) *Serm. xxx* qui est pro *Virg. Assumptione* secundus, 2 part.

(2) In libro super *Litanias Lauretanæ*, discursu xcii, n. 11.

qua voce qua scripto Marianum privilegium magnis laudibus efferrent. Ac primum urgemuſus Estium ex Hollandia maximopere a sapientissimo Ecclesiæ principe Benedicto XIV collaudatum. Ipse, futura corporum resurrectione diserte comprobata, hæc dicere faterique non dubitat: « Porro sciendum est huic generali doctrinæ nihil obstare, quominus aliqui speciali Dei privilegio ad beatam immortalitatem jam resurrexerint, qui proinde ut non amplius morituri, ita nec cum cæteris mortuis in fine sæculi resurrecti sint, sed corporibus suis gloriosi dudum recepti in judicio comparituri (4). » Mox de Virginis resurrectione loquutus, ait: « Deinde de beata Deipara Virgine pie creditur quod quamvis mortua fuisse non dubitatur, postea tamen resuscitata ad vitam sempiternam corpore fuerit assumpta in cælum. » Et alibi animi sui sensum aperiens, hæc habet: « Sententiam ajentium beatissimam Virginem redi vivo corpore in cælum assumptam fuisse, communi totius Ecclesiæ consensu, et fidelium praxi acceptam, ad eam certitudinem eventam esse existimant insignes doctrina et pietate theologi, ut contrarium sentientes temeritate condemnare non dubitent (5). »

Nec satis: sub meis namque manibus virorum illustrium auctoritates pleno quasi alveo fluunt. Hinc nostram sententiam roborat Franciscus Suarezius, magnus ille Jesuitarum

(3) *Discursu ccxxx*, *discursu ccclviii*, *discursu ccclix*.

(4) In 4 *Sent. Comment.*, lib. iv, § 8.

(5) In nota 4.

theologus, ac rutilans Ecclesiæ catholicæ splendor: « Sententiam assumptionis Virginis in corpore et anima in cælum non esse de fide (dicimus); quia neque est ab Ecclesia definita, non est testimonium Scripturæ aut sufficiens traditio, quæ infallibilem faciat fidem, tamen summæ temeritatis reus crederetur qui tam piam religiosamque sententiam hodie impugnaret (1). » Et alibi rursus: « Addendum est ultimo beatam Virginem paulo post mortem ad gloriosam et immortalem vitam corporis et animæ resurrexisse, atque in cælum gloriosam ascendisse. Ita sentit universa Ecclesia, et hic ejus consensus ex antiquorum Patrum traditione manavit (2). » Et paulo infra, exposita Catharini sententia autemantis, corpoream Virginis Assumptionem esse fide tenendam, ait: « Sed revera non est, quia neque est ab Ecclesia definita, nec testimonium Scripturæ, aut sufficiens traditio, quæ infallibilem faciat fidem. Est igitur jam tam recepta haec sententia, ut a nullo pio et catholico possit in dubium revocari, aut sine temeritate negari, atque adeo videtur habere eum gradum certitudinis, quem habet alia veritas supra tractata de sanctificatione Virginis in utero matris (3). » Exinde patet, ex mente Suarezii Conceptionem et Assumptionem Deiparæ pari certitudinis gradu parique rutilo fulgore procedere. Unde merito alibi fatetur: « De corpore ejus, Virginis nempe, constat

(1) Pars iii, quæst. 37, artic. 4, disputat. xxi, sect. 2.

(2) Tertia pars div. Thom., Dist. xxi, sect. ii, art. xiv, p. 212, B.

ex historiis omnibus statim post mortem fuisse in sepulcro repositum (4). » Et inferius: « In illo ergo sepulcro integrum atque prorsus incorruptum usque ad gloriosam ejus resurrectionem perduravit, ut omnes citati Patres docent, et per se manifestum est, considerata dignitate, puritate et innocentia Virginis beatissimæ. »

Accedit Suarezio sodalis Theophilus Raynaudus ex ipsa clara Soc. Jesu, qui Baronii verba premens, nimirum, propensiorem esse Ecclesiam ad eam sententiam, quæ statuit B. Mariam in cælum corpore et anima assumptam, fatetur: « Tanta autem sit propensio, ut non censeam a morigero Ecclesiæ filio aliud dici posse. » Rem vero dein urget et inquit: « Illatas cælo Deiparæ reliquias terra relictas frustra quisque quaret, si de corporis partibus sit sermo, cum surrexerit perfectum et integrum. » Id pariter ex universalis fidelium persuasione colligit, inquiens: « Idem habet certa fidelium persuasio, cui obsistere ingenti non vacat temeritate (5). »

Contra Joannem Launojum et Claudium Jolyum corpoream Virginis Assumptionem temere despicientes Joannes Gaudinus hoc ævo strenue dimicavit. Ut inimicorum audaciam frangeret, opus exaravit inscriptum: *Assumptio Marice Virginis vindicata*. Heic inter cætera haec habet: « An enim fidelis quispiam negare audet, quia Virgo Deipara exaltata sit supra choros angelorum ad cælestia regna?

(3) Contr. Cajet. lib. iv; et in opusc. de Conc.

(4) Tertia pars div. Thom., q. xxxvii, art. iv, disp. xxi, sect. 2.

(5) Diptyc. Marianis art. II, Pun. II, n. I.

quia sanctificata fuerit in utero materno? quia per totum vitæ tempus immunis extiterit ab omni etiam peccato veniali? Nemo certe hæc in dubium revocaverit, quia quamvis in Scriptura, nec tradito Dei verbo continentur, universali tamen Ecclesiæ consensu sic fulciuntur, ut temerarium sit et erroneum illis reluctari, si non hæreticum. » Huc juverit admonere, laudatum scriptorem de traditionis instrumentis minus accurate fuisse loquutum: etenim in verbo Dei tradito, non secus ac in universalis Ecclesiæ consensu, veritas nostræ theseos alte reperitur insculpta.

Hoc ipso saeculo e nostratibus ob doctrinam biblicam inclaruit Augustinus Calmet, qui nostra super rementem suam aperit: « Assumptio vox, quam Ecclesia adhibuit, ut Virginis decessum denotaret, et juxta plurimorum recentiorum, et quorundam antiquorum sententiam, ejus post tres dies resurrectionem ac in cælum elevationem significat (1). »

Hoc labente saeculo nostram veritatem adstruit Franciscus Maria Florentinus: « Igitur ne actum hoc agamus, et inutili labore apocryphos a sinceris discernamus, quod Baronius aliquique præstiterunt, hanc ex eodem Baronio Tom. I Annalium ad ann. 48 catholicam veritatem suspicimus et devoto animo veneramus, Deiparam diem aliquando supremum obiisse, et ad cælum cum gloriose etiam corpore assumptam transmigrasse; vere proinde Ecclesiam sancteque ejusdem gloriosæ assumptionis festum instituisse.

(1) Dict. hist. ad voc. *Assumptio*.

(2) De Ass. seu Dorm. Deip. solem., Exercit. v.

Eoque libentius utramque catholicam veritatem suscipimus, quod Martyrologium nostrum non tam xv kalend. februarii diem depositæ mortalitatis sub nomine depositionis commemorat, quam et gloriosam ejus in empyreum assumptionem exhibeat eadem pariter die xv augusti, qua Ecclesia universa in sanctissimæ Matris triumphum omnium linguis et omnium fidelium plausu conspirat (2). Posthac in ipso Martyrologii corpore ad xviii kalend. sept. citatis primum Baronii verbis inquit: « Ex romanæ Ecclesiæ usu recepto constanter asserimus et profitemur ipsam sapientissimam Dei Matrem, una cum sacratissimo illo corpore, quo impartita est Dei caro, in cælum esse assumptam. » Mox adjicit: « Idque libentius addo, quod videmus a vii saeculo in vetustiore Martyrologio depositionem tamquam naturæ debitum reddi, et assumptionem hac die sine ulla hæsitatione notare. »

Huic quam sequimur doctrinæ plane cohæret Ludovicus Thomassinus qui optime de re catholica meritus est. « Non dubitamus quin Virgo Dei parens corpore quoque in cælo degat, tametsi fides divina hoc minime doceat... Quot enim sunt, quæ, cum minime rata sint et fide divina nixa, ad examen tamen revocare non liceat? Tollenda prorsus esset omnis generis humani societas, si cohiberi oporteret assensionem, quoties non suppetit evidens ratio vel auctoritas, quæ errori non fit obnoxia (3). »

10. Sæc. 17° in finem vergente et sæc. 18° auspicante non minus elo-

(3) De Dierum festorum celebratione I. II, c. 20, num. 20.

quentia quam doctrina et eruditione floruit Jacobus Benignus Bossuetius, qui protestantes exagitavit protrivitque tot aureis scriptis, quibus eos aggressus est, præsertim vero nunquam satis commendata *Variationum historia*. Sic meldensis episcopus piam nostram veritatem eo quo pollet intellectus acumine tradit: « Inter christianæ Religionis mysteria grande reperitur mirumque ligamen, et illud Assumptionis habet cum incarnatione Verbi æterni particulare ligamen. Si namque divina Maria quondam Salvatorem Jesum exceperit, est utique justum, Salvatorem B. Virg. Mariam excipere; et quoniam haud graviter tulit in eam descendere, postmodum debebat eam ad se sublimiter evehere, ut suam gloriam ingredetur. Nullus proinde stupor, si beata Maria tanto cum splendore resurgat, et tanta cum pompa triumphet. Jesus cui hæc Virgo dedit vitam, hanc illi hodie donat ad suam erga ipsum dilectionem rependendam, et quum semper ad Deum pertineat magnificientiorem se promere; ita, quantumvis ipse vitam solummodo mortalem receperit, est plane suæ magnificientiæ gloriósam vitam almæ suæ Parenti pro remunerazione largiri (1). » Nostra quod refert, animadvertisimus: cum saepè meldensis aquila coram regibus et Galliæ principibus sermonem haberet, universalem vetustissimamque totius nationis fidem in hoc augusto Deiparentis privilegio diserte conclamat.

Huic adamassim congruit suus in episcopatu et eloquentia comes, per egregius Massillonius. En sua mens:

(1) Serm. de Assumpt.

« Purum ejus sacramumque corpus, non aliter ac illud sui Filii, corruptionem non videt, virtus Patris liberat eam ex mortuis, patent cœli ut eam recipient, ad eum prope modum quo aperti sunt pro Christo Jesu triumphante et gloriose; de sepulcro circumamicta splendore resurgit, ut suæ gloriæ thronum capesseret, ad dexteram Filii in ea ipsa carne, quam Ipsi ministraverat, ut omnibus hominibus cœlum aperiret, super omnes Principatus et Potestates collocatur. Ipsa est illa arca Israel, inquit sanctus Episcopus Genevæ, quæ, quum pauplisper sub tentoriis in deserto morata fuerit, in obscuru videlicet statu, pompa et splendore a vero David in cœlestem Jerusalem intromissa denique fuit (2). »

Laudatis adscribendus pariter est Billot gallicanus orator, qui sic in nostram sententiam descendit: « Ecquis hujusce gloriæ poterit excogitare magnificentiam? ipsum sepulcrum, ubi cæterorum evanescit mortalium gloria, sit pro Maria gloriosum: *Erit sepulcrum ejus gloriosum*. Quemadmodum ipsa præservata fuerit ex corruptione peccati, et seipsam Divinitati præstiterat ceu sanctuarium; ita corruptioni sepulcri suum corpus obnoxium non fuisse decebat. Et ideo ut simul morte lumina claudit, suum illico corpus nova perfruuntur vita, et suæ animæ consociatum evehitur ad gloriæ thronum qui ei præparatur in cœlis. Non amplius igitur Mariam in hac humili mortis regione quæramus; sed spiritualiter eam comitemur in cœlis quos ipsa scandit innumeris stipata

(2) Serm. pro Assumpt. Ss. Virginis.

cœlicolis (1). » Quocirca Deiparentis Assumptio tam clara veritas est, ut eam denegare cum neologis valde temerarium sit.

Hoc pariter ævo Laurentius Berti augustinianus enituit, qui Natalis sententiam omnino rejiciens, Melchioris Cani opinionem Mariam redivivam asserentis ultro suscipit atque propugnat (2). Cui Billuartius concinit: « Temerarium foret, » inquit, « negare beatam Virginem cum corpore et anima assumptam in cœlum (3). » Unde Gusmani Dominici sodalis omnes contrarium sentientes nota temeritatis inurit. Ex eodem inclito S. Dominici sodalitio cl. Serrey veritatem Assumptionis patefacit: « Virginem Dei facti hominis genitricem placida morte terris ereptam in cœlos statim assumptam, quis negat aut in dubium vertat, quam ipso transitu suo super angelorum choros ad cœlestia regna vocatam catholica profitetur et colit Ecclesia (4). » Et rursus dein: « Quærere juvat, cujus conditionis et gloriæ fuerit Deiparæ Virginis in cœlos assumptio; plena ne, integra, cumulata, corpore simul et animo perfecta; an forte sui altera, quod in divis reliquis accidit, diminuta? Cum enim ea sit justorum omnium sors atque conditio, ut reliquo corpore, animus tantum, cui nihil luendum superest, addatur cœlo; nec plena cumulataque corporis simul et animæ gloria perfruantur, do-

(1) Serm. de Assumpt. Virginis.

(2) Dissert. hist. i sœc. — Disp. v, pp. 67-68, num. 8.

(3) Summ. S. Thom., tit. viii, art. 11.

(4) De corp. Deip. in cœl. assumpt., Exerc. LXVI.

(5) Ad Hebr. XII, 23.

nec generali resurrectione facta, tota, ut loquitur Apostolus, *primitivorum ecclesie* (5) jungatur, illud nec insipienter nec otiose quæri potest: num Virgo Deipara, speciali donata privilegio, e mortuis statim excitata, corpore simul et anima in cœlum assumpta sit, consummata jam tum felicitate potitura? Qua in re ne tempus vanis proloquiis ludam, ita fiderenter pronuncio: Virginem non animo tantum, verum etiam corpore in cœlos fuisse assumptam pie ac religiose tenendum est, nec nisi ingenti temeritate negari potest. »

Et Soc. Jesu theologis nihil antiquius cariusve fuit. Unde sic Trombellius qui sœc. 18<sup>o</sup> volente claruit: « Quia Ecclesia in eamdem opinionem inclinat, facile etiam persuaderi poterit nobis, ultra temeritatem rejici non posse opinionem eorum, qui Virginis corpus post mortem in cœlos fuisse translatum ajunt, pro eadem enim apertissime stare videtur Ecclesia. Atque hæc quidem ipsissima est sententia, quam nostra hac ætate proposuit Benedictus XIV (6). » — Id ipsum asseruit Strotius ex eadem celebri Societate presbyter (7). — Hoc ipso ferme tempore Ludovicus Matorius qui magnum in Italia nomen sibi peperit, collatis undique liturgicis monumentis corpoream Deiparentis Assumptionem apprime demonstrare natus est (8). — Omni argumentorum genere ac magno eruditio[n]is apparatu

(6) Vit. Deip. in Dist. 36, q. 111.

(7) *L'Assunzione al cielo della Madre di Dio*, ecc., del Sac. Pier-Filippo Strozzi, e ridotto da Francesco Strozzi d. C. d. G.

(8) Dissert. de reb. liturg. cap. II. — Et Liturg. Rom. tom. I.